

«Ккурккуллал шаэртуран хас дурсса вечер»

1. Хьхьич1 махь.- Даниял Магдиев.

2.Ккурккуллал Зайду – 8 кл:

Биография: ученица Османова Мариян.

«Ккурккуллал Зайду ивк1ун ур шаэрнал пагьму бусса, хат1 ххуйсса, луттирай исвагьисса накьичру дан к1улсса дурккучу. Га увну ур Ккуркклив Исламбулатлул кулпатраву. Дуклай ивк1ун ур буттал шяраву, Гъумук, Щиназ т1исса лазгиял шяраву. Ганан к1улну дирк1ун дур алгебра, геометрия, астрономия, философия, логика. Ганая хьуну ур методика чичин бюхьайсса педагог. Ганал чивчуну бур астрономиялул терминну аьрабрай ва лакку мазрай дурч1ин дуллалисса словарь. 1877-ку шиналсса восстаниялувух гьуртту хьуну т1ий, Зайду гьан увну ур Сибирнавун, Томский губерниялийсса Тобольск т1исса шагьрулийн. Гикку ганал чивчуну бур дак1нийн бичавурттал лугу, тамансса назмулийсса чагьардугу. Гайннуву Зайду щикаятрай ур цала якьамасса кьадарданий, нааьнарай ур восстание дайдирхьусса яруссаннайн, чачаннайн.

«Сибирлия»

Аман на барзу хьурдай
Лахъну гъава бувайсса,
К1ля муруллий щяивк1ун,
Шяравунай уруган.
Ца шамма махъ чивияв
Дардирдал дурц1у дак1нил,
Хъяшхъар мач1ал бак1рава
Хъахъи т1ут1ив аьт1унсса.
Лух1и нухлил ялату
Уругарча кьурувай,
Иттату оьттул мукьал
Бярдай бяр буц1инссия.
Хьурдай заллу ,на чит1у
Мизитраву кюру бан,
Кюрттараву щяивк1ун,
Мюталимтал ххал буллан.

Уч. Абдуллаева Гурия:

Дардирдал ч1ярушиврул,
Пикри гъарзану баврил ,
Урандалул кьаухъан,
На нигъач1и ик1ара.
Лахъисса ссутнил хьхьурдай
Шанан утту бишару,
Пикрирдай дак1 дунура,
Чани хьуну жун льякбай.

Буслай бусан къашайсса
Х1ал бури ттул чурххирай,
Ккавккун к1ул къабуваннав
Ттул дуснан ва душманнан.
Лещан дуван къашайсса
Дак1ницух ларч1сса ц1арал
Ччукъаччайсса чурххирай
Аъжаившиву дара.

Уч.Гужиева Зулейха:

Ят1ул ккурмузул ахъру,
Даххана хъюртул мурхъру,
Дяркъу щинал щаращив,
Къабивтсса мйжанссарив.
Лакъину дурсса ссавур
Ят1ул мусилли чайхха,
Тти жугу дан багъунни,
Ссайн дуккайрив ххал дуван.
Аманатри, уссурвал,
Пашманшиву мадару,
Шава шаний ивк1уну,
Х1атталлив гъав хъуманай.
Аллагънал амру буна,
Цува дурккусса уна,
Ссавур дакъул вай махъру
Циривавли мачари!
Цибанссарив къак1улну,
Бан-битан бухлагаврил,
Къумасса дак1нивату
Бувккун лавгсса махърури.

.

Магомед Буттаев.

Биография: Гужиева Анисат.

Магомед Буттаев увссар Ккурккуллал шяраву 1924-ку
шинал. Къуртал бувссар Ккурккуллал дянивмур даражалул
школа. Дуклан увхссар Щурагъиял совторговлилул
техникумравун. Хъунмасса Буттал к1анттул ц1анийсса
дяъвилийн лавгссар цала хушрай. Буттаевлул
журналистикалул факультет къуртал бувссар 1958-ку
шинал. Зий ивк1ссар лич1и-лич1исса лахъсса
къуллугъирттай, чивчуссар историялул
диссертация. Лавсъссар профессорнал ц1а. Буттаевлул
канила бувккунни 400-нняя ливчусса статьяру ва очеркру.
Ванал «Ккурккуллал хъярчру» т1исса лу таржума бувссар
ч1явусса мазурдийн.
Ва луттиравасса цаппара хъярчру ккаккан бант1иссар 10-
мур классрал учениктурал.

«Ккурккуллал хъярчру»

(сценка)

Хъуртту хъанакъими:

Х1сман- Гаджиева Аьйшат
Мамат1илав- Сунгурова Пат1има
Интеллигент- Абдуллаева Гурия
Къари- Сулейманова Тамари
Х1абиб- Гужиев Эльдар
Ученик – Магомедов Динмагомед
Х1ач1у- Гамзатов Бахтияр.



(Ккурч1а. Бартукъраву кай-кай хъуну, ккурч1ав нах1ушанавун лавгсса къужа, ттамп куну, щяв агъай. Ялун уч1ай Мамат1илав)

Мамат1илав: Х1усман, вин цивхъурар? Къашавайвагу акъарав?

Х1усман: Варч, мак1 ккарккуна щарсса ттуч1анна зана дирк1ун! Ххаришиврул шинай хъуссияв, ттула ч1арав ганин к1ану баншиврул, агъну лавгунна. Лажинни щихък1уй мабусара, укунагу зума-ккарччулун агъну урача, щарссанил къаивтссара т1ий.

Мамат1илав: (тиху-шихунайгу урувгун, цуч1ав акъасса к1ул байхту) Ургула, къунниял винна ца дукъра х1анттил гъарац1игу, ккурккимайгу ларсун уч1аннача, лажинни щихък1уй мабусара на ттукку бакъа хъуну аьт1ий ивк1сса.

Х1усман: Вар, ч1аххувчу, т1айламур бусан, ттуща ругъан къахъунт1иссарча, нах1акъ зия мадара вилла гъарац1и ва ккурккимай.

Мамат1илав: Гъай, уч1иакъуй, утти ина мукун гъалгъа т1ун ивк1рав, на ина кунасса ац1а, машангу лавсун, агу-ахханна базаллуву.

Х1усман: (ч1угу лахъ бувну) На мунийн хъинну вихра. На машан ласун цук1уй махъунай къахъунт1иссар, ина хъурча, уквашагу къаласунт1иссара.

Мамат1илав: Ина шику ч1у лахъ мабулларда, инава адамина ухъурча, ачу хъач1рахун.

Х1усман: Насу цалсса инава, на шавайнгу лавгун, к1юрххилссагу дуркуну, хъирив лаяннача.

(Вайннач1ан, пацагу т1ий, левчуна ук1лай ур Х1абиб)

Х1абиб: Да, зул авара цири? Зуйн к1иннайнвагу, мугълат бакъа, хъунама оьвт1ий ия.

Мамат1илав: Яр, вин ци хъуннав чиви, ихтилат бялич1ин циван буллай ура? Вияр дюьлилсса цама акъаяв жул хъирив гъан ан?

Х1абиб: Бия. К1ай дюблилминнач1ан гъан бунни.

Х1усман: Гъа, ци ччай дия хъунаманан?

Х1абиб: Собраниялийн обвт1ий ия.

Х1усман: Къауч1анна т1ий ия уча. Ттун мунал учин ччимур танива бавссар.

Х1абиб: Х1акъину тема цамурди.

Х1усман: Тема ттун цумурдив къак1улли, амма жул администраторналмур тема ттул арснал къавкъиншивурттаяр дик1ант1исса.

(Лагай Х1абиб)

Мамат1илав: Х1усман, ина, на ивч1арча, аьт1увияв?

Х1усман: Къааьт1увияв.

Мамат1илав: Циванар?

Х1усман: На, нава ивк1унугума, аьт1ун къаивк1ссара.

Мамат1илав: Вагъ! Ина та ивк1уссарар, мунахха ина сагъну?

Х1усман: К1а вил ссу ттула къушлийн бувхния шинай, на ивк1ушиврун ккаллисса инсанна.

(Ялун левчуну ук1лай ур дуклаки оьрч1, Мамат1илавл арс)

Ученик: *(тяхъану буттач1ан левчуну)* Мяммай, мяммай, ххаришиву ттун!

Мамат1илав: Цивхъурар?

Ученик: Утти вин ттун аьркинсса луттирдах арцу харж дан къабагъант1иссар.

Мамат1илав: Цукун?

Ученик: На гъашину гивува ливч1ссара.

Мамат1илав: *(оьрч1ал канива дневникгу лавсун, нах1усса ч1уний)*
Ина вила дневник ттун циван ккаккан къабайссия, мяммал?

Ученик: Мяммай, на вин дневник мудангу ккаккан бавиявхха

Мамат1илав: Вагъ! Лажинни му ттигу къалявкъуссарив?

Дяъви хъуннив, на школданий дуклакисса ч1умала
Ххал буллай бик1айссия. *(ккалай ур гихунай)*

«Дарссирай чарттарак1и битлай ия. Ученикнал
жиплувун оьрват1и бувтун, дарс зияя данзай лирч1унни.
Тавакъюри буттахъ школданийн уч1аву».

(ивзун лавай, оьрч1ал вич1и дугъай)

Уч1иакъуй, ина вай цимурца ттуяту къюлт1 буллай
циван уссияв? Щихара ина лавхъхъуссавагу?....

На уссара ва дуклай уссар т1ий, ва т1урча школданий
зоопарк т1ивт1уну усса ур.

Ученик: Яр, ина ттухъ ци т1иссара, ва ттул дневник бакъархха.

Мамат1илав: Туну щилли?

Ученик: Къак1улли. Ттун ва лявкъунни та жула къатталусса
буттукъираву.

Мамат1илав: *(гъанавиххи хъуну)* Мугълат бакъа лавгун га буний
биша. Вин ци къуллугъри ттуяту ихтияр дакъа ттул
затирттавух ц1ухла бихълан.

(ученик лихъай)

(ккурч1ах дачай щинату нанисса къари)

Къари: Бурагъар щябивк1ун.

Мамат1илав ва Х1усман: Буруча.

Мамат1илав: Ч1аххуцар, х1акъину к1юрххил зуч1ату х1акин
увккун най ияхха, зунний къашавайссавагу акъарив?

Къари: Да, Мамат1илав, Лахъхъу зуч1ату х1аписарнал чиндалувусса
адамина най ияхха, зунний дяъвивагу бакъассияв?

Мамат1илав: Бургияр цал щарссанил мазрал байлшиву.

Х1усман: Та Аьйшат ттулла щарсса дирк1ссания, на та танира
неххавун рутавияв.

Къари: Вил щарссану дик1аяр, на нара ххяххавияв га Хъуннеххавун.

Мамат1илав: Инна хъинну к1усса щарсса дура, вищал ихтилат бан
бигъа бакъар.

Къари: Вагъ, ина на цинциллай-за дурцуссияв. *(уршагу хъарайн
лавхъун, лагай).*

Х1усман: (*къарил хъирив*) Насу, ч1яналашиву цира, насу
(*Мамат1илавхъ*) Вай хъаннингу зума дугълаяр, мазру бугълан
лавхъхъуну хъинни.

Мамат1илав: Вин ци бурарчу, вилмур щарсса культурныйсса
Дунуккархха.

Х1усман: Дик1айххураварчу, илт1а-а-сса.

Мамат1илав: Жула аьлимчувгу най унуккар гиха. Вай интеллегентъта
Лапва гъарза хъанайвагу бакъарив жула шяраву т1ий ик1ара.

Х1усман: Яр, ина мунияту къарязирав?

Мамат1илав: На рязи хъувияв, агана к1ай ттулла дуллай дайдирахъусса
къатри къуртал даншиврул цаягу чарил усттар лякъирча
шяраву.

(*Уч1ай интеллигент, кказитгу канихъну*)

Мамат1илав: Ибрагъим, ина ххал къашарахха, ссаха зий ура?

Интеллигент: Роман чичлай къуртал бавай ура. Вихъ бувккуну мукъах,
ххюва бут1а ххишала бав. Ва к1илчинмур нюжмарди гъарца
хъхъуну му Х1усманнухъ ккалай.

Мамат1илав: Мури ванан хъинсса.... Му канивусса зад цери?

Интеллигент: Ва кказитгу ласав га пучрая. (*т1имт1ай, ачай ккалай*)

(*1 лажин*) Машаллагъ, Машаллагъ....

(*2 лажин*) Ххуйри...

(*3 лажин*) Ва къахъина. Гъанжилай ттигу теракт хъуну дур.

Мамат1илав: Хъанайна дик1ай мигу.

Интеллигент: Да, арантал, бавссариввар?

Х1усман: Буккирча, баянссар.

Интеллигент: Американаvusса ца артисткал цилла ликри ттуршазарва
долларданун страховать дурну дур!!!

Х1усман: Яр, ми цира-ци ликри хъуну дур?

Интеллигент: Цила аьдатрайсса хъаннил ликри.

Х1усман: Да. Мах1атталсса иш бакъаривкъай, щаллусса президент укв:
ивч1ай, хъаннил ликри т1урча—ттуршазарва доллар.

Интеллигент: Зун к1уллив, атомный бомба миллиардран багъасса.

Мамат1илав: (*мах1аттал хъуну, бак1райсса къяна щях бищай*)

Я, Аллагъ, ина чув урарчу, бутикъай та ттул азварундивунгу
ца бомба.

*(Увччухъуну къай-къай тлий нанисса х1ач1у ац1ай дяккурч1ав.
Къужри ганах буруглай бур)*

Х1усман: Ярчу, ачу вила шавай.

Х1ач1у: Ургу, Мамат1илав, ва дуниял гъанай дуссар —ялугъий ура тай жула къатри шиккун ттуч1анна дуч1аннин.

Интеллигент: Къах1арч1ния ми х1ан, вилния лякъа сагъсса дакъар.

Х1ач1у: Х1акиннал ца рюмка буч1и бунни, на навагу чансса ххибав.
(Лагай, къай-къайгу тлий)

Мамат1илав: Яр, ва ци кьюкъалар. Нава шяраваллил хъунама ик1ан акъаяв, вай ттучанчитурал х1ан цукун даххайрив ккаккан.

Х1усман: Валлагъ, му хъинсса пикри бур.

Мамат1илав. Ац1ула, Х1усман, инагу къаритав х1ан?

Х1усман: Къаритайххураввар, Аматуллагълул утти буржирай къадулай.

Мамат1илав: Ина, интеллигент, га вила уссихъ циван къабусара, гагу клани-кланттайх, х1ан х1ач1лай, занай урхха.

Интеллигент: Гъай-гъай бусанна, нажагъ шава ккаккарча. Амма му ттуннияр, зун ч1явуйну ккаклай урча, зува бусара.

Мамат1илав: Да, Х1усман, вища ва интеллигентнащал лач1ун уккан бюхъанссарив?

Х1усман: Вар, ина мурч1и хъуну урав? Муния ц1аллил къашавай ивк1ун, дахъа хъин хъусса инсанни. Сиппат къач1алай дурив?

Мамат1илав: Вагъ, ина мыйжаннугу тамур дунияллияляту зана хъусса Хханссара. Тай ливт1уми цукун бия?

Интеллигент: Бия ххуйну. Вихъ ч1ал машара т1ива.

(Мамат1илав интеллигентнал хъирих изай. Х1усмангу гайннал хъирих лечай. Циняв лихъай).